

左恪靖侯奏稿續編

恪靖奏稿續編卷五十目錄

請 賞道員胡光墉母匾額摺

請調李雲麟差委片

進規循化獲勝摺

官軍追剿白彥虎並肅州外破援賊內截城賊迭勝摺

馮邦棟懇 恩獎敘片

續編卷五十五

請 賞道員胡光墉母匾額摺

奏爲道員疊承母命捐助鉅款克濟急需復捐交甘肅棉衣二萬件懇請

特恩賞給伊母匾額以昭激勸恭摺具陳仰祈

聖鑒事竊照浙江紳士布政使銜在籍福建補用道胡光墉經臣奏派辦理臣軍上海採運局務已逾八年轉運輸將毫無缺誤臣軍西征度隴所歷多荒瘠寒苦之區又值頻年兵燹人物彫殘殆盡本省轄境無可設措各省關欠解協餉陳陳相因不以時至每年准發足餉

先猶以兩月爲度繼則僅發年杪一月而猶虞不能如期收到轉散各營每年歲事將闌輒束手懸盼憂惶靡已胡光墉接臣預籌出息借濟絀牘無不殫誠竭慮臣勉求之始向洋商籌借巨款格於兩江督臣非體之議中止繼屢向華商籌借均如期解到幸慰軍心去冬華商借款不敷胡光墉竭已資並勸各親友助同出借計借十萬兩以副期限不取息銀其力顧軍需深明大義如此上海爲洋商會集之所泰西各國鎗礮火器泛海來售競以新式相耀臣於閩浙總督任內飭胡光墉

挑擇精良不分新舊惟以便利適用爲要嗣調督陝甘
委辦上海轉運局務兼照料福建輪船事宜胡光墉於
外洋各器械到滬隨時詳細稟知備陳良楮利鈍情形
伺其價值平減廣爲收購運解軍前臣軍實資其用其
購到普洛斯後膛螺絲開花大礮及後膛七響洋鎗精
巧絕倫攻堅致遠尤爲利器各軍營競欲得之而價值
並未多費其孜孜奉公如此同治十年奉伊母胡金氏
之命以直省水災較廣捐奏棉衣一萬件嗣復添製棉
衣五千件並捐牛具籽種銀一萬兩以津郡積濟未消

籽種不齊續捐足制錢一萬串以助洩水籽種之需此外辦運浙江賑米奉委採辦閩米運送上海裝載赴津迭經直隸閩浙督撫臣先後奏明在案去年臣以甘肅苦寒兵燹之餘百貨昂貴種棉織布之利土民向所不諳無衣之患甚於無食而邊地降雪最早每值嚴寒凍斃者所在皆是現值餉需奇絀勢難分兵勇禦寒之具徧惠窮民因念江南布棉價廉人多好義爰檄飭該道勸捐棉衣並許俟集有成數專摺請獎旋據該道稟稱伊母年屆七旬屢飭該道母以宰割爲壽令將平日節

縮所存捐製加厚加長棉衣二萬件以給邊荒窮窶並
親率家屬逐件按驗其有製辦未善者立令更換該道
又另勸捐棉衣褲八千件均於去年七月間運交臣軍
後路糧臺轉解前來臣去冬轉飭散給所全甚多查該
道從前在直隸捐貲助賑業經督臣李鴻章奏請
賞給伊母匾額旋經部議該道並非一二品大員核與
侍郎張祥河提督郭松林捐貲贈族
御賞匾額成案不同所請

賞給伊母

御賞匾額係出破格

特恩非部臣所敢擅擬具奏當奉

諭旨依議欽此臣維該道迭次捐助鉅款據稱均係恪遵母命茲復遵檄捐製棉衣爲數甚鉅俾邊荒子遺殘民得免裂膚墮指之苦前後合計捐銀在五萬兩以上雖胡光墉僅係布政使銜福建道員職分與張祥河郭松林不同而施及邊遠災黎則較張祥河郭松林捐貲瞻族之舉尤爲公普更無論其平時見義必爲有益於軍需

國計者至周且博尤非尋常所能並論也李鴻章前於
胡光墉直隸捐輸案請

賞給伊母匾額原欲邀破格

殊恩昭賢母令子之風誼以勵薄俗雖爲該道乞逾分
之顯揚亦正以彰

朝廷教孝之盛典况疊逢

恩詔二品大臣以上命婦得荷

賞賚

推恩錫類同蒙

賞賜殊施則胡光墉奉母命屢次捐輸巨款亦似可加
被

恩綸用光

聖治合無仰懇

天恩俯准

特賞道員胡光墉之母胡金氏匾額以示優異謹繕摺
具陳伏乞

皇上聖鑒訓示施行謹

奏
同治十二年四月十一日

軍機大臣奉

旨著照所請摺留中欽此

奏調李雲麟差委片

再前布倫托海大臣李雲麟因事獲咎臣不知其詳惟該革員竇臣所深知咸豐十一年臣初任浙江巡撫曾以該員剛明耐苦質地實堪造就列保具

奏嗣後祇見過一次迨臣入秦度隴聞該革員前在漢中剿賊頗有聲績士民猶稱頌之後在烏里雅蘇臺被劫臣因未悉其原委不敢妄有論列然其爲人實耐勞

苦性不好利而有恤民之心則臣至今猶敢具保至其
侈論大局喜言奇計有時未免視事太易則由關應
未深之故就其質地言之實亦一時罕有也合無仰懇
天恩俯准飭下漢軍正白旗都統查明該革員現在何
處飭令速赴臣營差委臣當加意磨礱俾去其短而成
其長於西事冀有裨助謹據實附陳伏乞

聖鑒訓示施行謹

奏同治十二年四月十一日

同治十二年四月二十一日內閣奉

上諭左宗棠奏請調員差委等語前布倫托海辦事大臣李雲麟著正白旗漢軍都統查明該革員見在何處務令速赴甘肅軍營交左宗棠差委欽此

進規循化獲勝摺

奏爲官軍克復巴燕戎城後剿辦逆回進規循化獲勝情形恭摺具陳仰祈

聖鑒事竊前山西臬司陳湜自二月二十一日將叛員馬桂源兄弟眷屬解省當卽發交司道監禁會訊錄供訊辦另案陳

奏陳湜傳飭巴燕戎格城鄉呈繳馬械准其自新數日之間陸續繳到义子鎗約二千桿馬約一千三四百匹巴燕戎界連循化地分八互均係撒拉回族每互約戶

口數千其五工惟木胡隆一工馬械較多各莊尙知畏威呈繳獨距城六十里之青科莊回族雖自稱限期呈繳然暗中牽連藏匿屢催罔應陳湜稔其爲撒拉悞回平時卽遠出擾掠商旅素稱劇盜克橫尤甚者不乘威創之終貽後患二十八日整旅前進道員劉錦棠亦率隊來會青科悍回竟敢空莊出拒守隘放鎗官軍突前擒斬數名賊始翻山而逸遂進兵駐紮青科次日陳湜傳飭各工各莊回族不准容留青科一回並聲言將青科田屋給各良回該回聞之乃於三月初二日歸莊投

誠聽候察辦陳湜當將著名回匪馬乙麻馬米力治主
麻等五十六名就莊駢戮梟首以徇初三日派提督張
仲春都司馬占鰲勒繳該處及附近各莊馬械拆毀各
莊礮樓宥其馴者安業如故青科一莊遂平乃接辦卡
勒岡工十三莊撫事查卡勒十三莊惟三莊馴順其十
莊隱匿鎗械各回目亦屢傳不到初四日楊芳桂往查
該十莊鳴鎗抗拒又大胡卡勒兩工交界之東山內亦
多藏匿馬械初五早張仲春同所部仁營營官總兵劉
厚福往查劉厚福率弁勇數十人獨出一路途中被伏

賊暗鎗中傷殞於陣前亡弁勇數名初七早陳湜派提督劉明燈前往助剿馬占龍亦率隊入山窮搜該逆抗拒如故陳湜以該逆怙惡逞兇亟應痛剿卽商派河州鎮總兵沈玉遂提督陳廣發總督鄧榮佳等帶後路隊伍分支急追其馴順三莊給以良民旗令植門首禁止官軍不得擅入專攻十莊五日已破其六莊斬悍賊三百餘名帶傷者不計其數然每破一莊賊拚死抗拒官軍中鎗傷亡者共數十人馬占龍所帶回勇亦傷亡三十餘人餘四莊遂哀懇求撫卡勒東爲甘都工自陳不

敢助逆卡勒甘都之河對岸舊爲循化上四工撒拉回
族所居上四工素懷反側與下四工仇隙本深至是暗
煽卡勒甘都中匪回並挾制良回希圖蠢動軍功馬永
瑞自循化下四工來稱上四工內除人家工外均議糾
眾滋擾下四工則願勦賊自效陳湜連日調度進勦十
五日上四工內街子蘇治河沿三工回眾已渡河者果
耀隊於卡勒工地十六日復分三路圖犯官軍營壘沈
玉遂等飭各營列隊山頭自率數十騎誘賊飭後路各
營偃旗潛伏山溝待之賊果糾眾來撲沈玉遂左胸被

鎗子洞穿仍裹創誘敵賊以官軍勢單翻山湧進忽伏
兵楊旗突起四面衝截賊遂大敗官兵追奔十餘里立
斃悍賊百餘名並奪其父子鎗賊之帶傷者無算均滾
滾四散是日下四工頭目韓老大攻衙子等工巢穴亦
有擒斬十七至二十一二等日劉錦棠遣西甯鎮總兵
何作霖率湘軍四營反撫回崔偉馬隊二百騎到戎助
破卡勒餘莊授誅寇逆餘回哀懇免勦並將馬械繳盡
衙子等工頭目亦乞先繳以鎗刀矛各一千五百件容
俟縛獻醜類盡繳馬械陳晃現駐甘都工河岸俟諸事

妥畢再過河赴循化次第辦理臣維該逆回族均撒拉
一種生性獷野兒時卽操習父子鎗技最精練平時較
獵能於百步之外取飛鳥百不失一所居依山瀕河地
勢險惡乾隆中檄調隨征金川番族及石峯堡逆回官
兵侍爲軍鋒猛鷲可想嗣仍屢次擾邊官軍屢次進剿
皆未能痛加創艾率於巴燕戎循化邊界耀兵而還該
回族自恃地險衆悍時與漢番構衅弄兵益無畏忌官
軍主則詭詞求撫旋復殺掠如故爲隴省邊患者近百
年矣茲乘河湟底定後深入其阻大加接獲薙翼可潛銷

愷匿一靖邊陲陳提辦理此事於回莊中稍明順逆者
由加撫慰並嚴禁弁丁毋令稍有擾累其桀驁者則必
痛加剿辦俾識兵威總期恪遵

諭旨分別剿撫以規永久臣宗棠亟飭陳提沈玉遂等
苦心分朋毋枉毋縱以持情法之平此時多費一分心
力將來卽免一分衅端不敢草率從事致煩

聖慮也現在諸回震陷相率歸誠或無難悉就安謐此
次陣亡之總兵劉厚福營規整肅樸勇善戰以深入賊
伏中鎗隕命實堪悼恤之至應請

旨飭部從優議卹餘俟查明彙奏所有克復巴燕戎城
後進規循化獲勝情形謹合詞具陳伏乞

皇上聖鑒訓示謹

奏同治十二年四月十一日

官軍進剿白彥虎並肅州外破援賊內截城賊迭
勝摺

奏爲官軍追剿竄回並肅州外破援賊內截城賊疊獲
勝仗情形恭摺馳陳仰祈

聖鑒事竊陝西白彥虎由西甯狂竄官軍截擊疊獲勝

仗業於二月二十九日附摺陳明查二月初七日降補
參將楊世俊偵知該逆零騎擾及扁都口閭門等處初
八早飛派馬步隊於口外扼截賊果蜂擁而來楊世俊
直前迎戰賊恃眾而驕爭先馳突鏖戰四時之久斃執
旗悍賊數名賊敗走官軍由南山鄉追至費家寨賊復
反撲官軍鼓銳奮擊陣斬二百餘名鎗礮轟斃者狼藉
於地生擒賊目領員藍添紅一名悍賊四名賊由山岔
紛紛飢竄是夜擾及洪水西北訊據擒賊供稱此股係
白彥虎馬長順余老虎並西甯蘇家堡二司付等因

罪不敢就撫暗糾西甯西北兩川及大通永安敗匪合股北竄初九日探報賊竄山丹屬之下四旗楊世俊卽率馬步四營並洪水紳士軍功王應庚等率練勇百名分爲三路迅往掩襲黎明行抵該處賊瞥見卽遁楊世俊等及其尾隊頗有擒斬而賊竄甚速無心戀戰日暮已竄至東樂地方楊世俊料其必由甘州北竄初十日黎明取道石岡墩一帶直下甘州以圖攔擊詢賊已於是日竄甘城十餘里之梁家堡署甘肅提督楊占黿統帶信字營提督張慶雲及信字營營官副將王節文各

率隊馳往正值該逆分股渡河隊伍散亂張慶雲率馬隊迎頭奮擊楊占龍率步隊隨後策應賊倉猝不知所措驚惶四散官軍乘勢掩殺斃賊十餘名生擒一名餘賊仍敗過河北而去初更時楊世俊馳至探報賊踞距甘城三十里之紅沙窩一帶十一日五鼓官軍分三路前進張慶雲爲右路楊世俊爲左路楊占龍及署甘涼道蕭宗幹率親兵爲策應行十餘里馬步賊五六百奔突而至官軍鎗礮環施斃賊十餘名賊遽敗走楊世俊以前面必有巨股接應非進與決戰不能痛挫其鋒因

與各軍整隊逐之白逆果憤前賊之敗親率死黨前來
拚鬪勢甚兇猛官軍聯爲方陣四面接戰乘銳衝突自
辰至申官軍屹立不動俟賊勢稍懈乃四面包抄而前
鎗盡矛刺賊敗而走共計斃賊百數十名生擒悍賊四
名十二日賊數十騎馳突城外去而復返楊世俊等知
其有詐派隊搜其伏逆旋即敗去十三夜賊已西竄楊
世俊張慶雲及甘提中營參將陶世貴疾追之次日及
之於撫彝廳屬之鴨子渠板橋賊正圍攻民堡官軍乘
其不備急擊之斃賊數十生擒十餘名奪獲馬匹軍械

各數十件賊眾三千餘回頭死拒官軍張左右翼擊之
仍不少退楊世俊等揮軍陷陣斃悍賊十餘名賊始潰
走官軍追殺數里共計斃賊百餘名生擒十一名十五
日賊由撫彝竄往高臺焚燒搶掠逼近城垣經城上鎗
礮轟擊敗去是夜踞距城二里許之下河沿又河南竄
來一股與之會合踞鎮夷西山寺維時提督徐古彪肅
後路運道梗塞亦派提督陶生林副將桂錫栢參將馮
桂增等馳至賊見前途有備折而西趨楊世俊詢賊中
逃出難民知河南一股係肅城遣迎白逆入城者肅城

之賊知徐軍分隊遠出營壘必虛是夜賊出隊四五百圍攻官軍營壘徐占彪先已分路設伏賊至伏兵齊起被圍之壘亦開壁迎敵前後夾攻斃賊十餘名賊退墩下廢牆內墩上火彈齊拋復燒斃賊數十名賊敗入城十八日白逆竄擾毛目雙樹屯一帶民莊連陷十餘堡是日肅城南稍門亦出步賊千餘伏城壕內徐占彪令各軍嚴防衝突靜以待之頃刻賊由壕內躍出徐占彪督隊迎擊鎗礮火彈並發斃賊目二名悍賊數十名賊敗退各官軍復三面抄來賊亦分股死鬪逾三時之久

官軍衝入賊陣賊大亂敗入壕溝官軍乘勝衝殺斃悍賊數十名南稍門復出步賊來援徐占彪飭守備陳文英以後膛礮向賊叢轟放四十餘礮斃賊甚多時金順亦親率隊會剿兩股賊均縮退入城據擒賊供稱上年僞元帥馬得鎮赴西甯求援前夜偷越入城與馬四商議白逆等擬先將眷屬安置毛目北山內親率大隊赴肅應城逆之援毛目爲高臺縣丞分駐之所逆意圖陷此城以便安置逆眷十九二十等日白逆攻毛目城甚急架梯掘牆蜂擁上撲經縣丞李彭把總楊春督率紳

民固守滾石鎗礮下擊斃賊約百餘名並斃逆目一名
賊仍未退二十三日陶生林等與金順所派馬隊及成
祿留防高臺馬隊自肅馳至出賊不意斃悍賊百餘名
立解城圍追賊至二十里外又擊斃馬賊百餘生擒逆
目二名小頭目二十餘名奪獲馬械無算二十四五兩
日復敗賊於白柳灣萬年渠官軍乘其渡河西竄復斃
斃多名二十六日賊竄金塔北屬牛頭灣楊世俊先已
取道斜出該處爲攔頭截擊之計是日伏隊於三塘壩
各要隘二十七日辰刻賊騎千餘攻莊擄掠官軍伏起

猛孽賊連狂奔官軍追擊十餘里斬獲頗多二十八日賊大股麕至楊世俊飭提督高登玉高月桂總兵馬有才鄒金本等二路分剿鎗礮轟斃多賊復直前奮擊短兵相接立斬悍賊十餘名生擒七名時陶生林金順各軍先後會合三面攻剿復斃賊百餘名據擒賊供稱白逆右膀已被礮子中傷矣賊連日竄距肅城四十里之野麻灣徐占彪方慮兵力難於分布適陶生林楊世俊等均已繞出賊前迎敵三月初六日白逆至股攜帶眷屬竄距肅城三十里之塔爾灣廢堡卽肅逆馬四舊巢

前經徐占彪攻破者也初七日辰刻城賊開前堵築之大南門出賊二千餘直撲官軍長壕徐占彪率隊衝擊商調各軍及肅州鎮章洪勝安肅道史念祖派來護勇憑壕抵禦施放洋礮並放後膛礮四十餘響斃賊甚多賊惶亂不能成列正攻擊間白逆馬步三四千分五股由塔爾灣抄來一撲參將方友升營壘一撲參將武朝聘營壘餘三股分撲各營長壕徐占彪調陶生林總兵齊懷松參將秦玉盛從九徐鹿鳴等由西抄擊楊世俊提督金慶元總兵戴宏勝黃祖福等由東北抄擊徐占

彪親自督隊由中路衝擊激殊死戰金慶元督隊前來會勦鏖戰三時賊全股敗潰徐占彪麾軍趕殺十餘里奪獲白逆大紅旗二桿前鋒花旗五桿小旗十九桿生擒二十八名割取首級一百二十顆耳級一百三十七副奪獲賊馬一百二十一匹共殲斃賊四百餘名肅城之賊見白逆大敗始鼠竄入城初八日賊千餘由南門出撲長壕官軍憑壕迎施鎗礮徐占彪率隊從水卡衝出金順督所部馳赴南門策應又調後膛礮連放二十餘礮賊紛紛倒仆仍敗潰入城賊前隊各帶草束後隊

各帶鋤鋏意在填壕以迎援賊不虞迭次被創志不得逞也訊據擒賊供稱曰逆將於初九日五更來撲長壕徐占彪與諸將商議俟援賊來而戰莫如先擊其虛是夜三更分派各營嚴守長壕防城賊出竄一面率馬步分三路別由小路銜枚疾進直搗援賊巢穴行距塔爾灣三四里探報該逆二三千已由大路赴援肅城矣徐占彪飭各路取齊速進大明抵塔爾灣賊始驚覺狂呼亂竄老幼婦女伏地號哭人聲鼎沸徐占彪令毋殺賊眷見強壯者則砍之立破其堡賊向南山狂竄官軍蹙

追十餘里共斃賊四五百名生擒三百餘名奪賊騾馬七八百匹刀矛旗幟甚多訊據生賊供稱已絕糧三日惟擇牲畜疲頓者宰以充飢故行不能速是時援賊已抵城南南門內亦出賊千餘夾攻長壕各營分頭迎敵連環施放鎗礮援賊屢卻屢前正相持間忽賊中隊伍自亂悉撥馬返奔蓋聞官軍已破塔爾灣急顧巢穴也城賊見援賊掣轉亦縮退城壕適徐占彪等追賊收隊行過塔爾灣十餘里見援賊奔回前署肅州鎮總兵王子龍提督李登第都司劉芳海千總李道修等遽策馬

衝入賊隊各手刃數賊中鎬殞命徐占彪飭各營整隊
繼進陣斬賊二百餘名適金順飭所部馬步馳同會剿
賊紛紛潰竄官軍回營見城賊未退復乘勝越壕痛剿
賊始敗退初十日白逆分股由南山竄文殊山官軍追
之生擒二十餘名收回婦女百餘名十一日徐占彪揚
世俊商定金軍於十二日仍勦援賊黎明三路抄去距
賊二里許賊出步隊五六百列堡外拒戰官軍先搜其
埋伏賊先敗官軍勇氣百倍所向披靡饑疲之眾有竄
南山者有竄關外大罩灘黑山峽等處者官軍追剿出

關之賊二十餘里斃賊百餘名生擒十餘名收隊回營
留桂錫楨馮桂增兩營馬隊駐關防堵是夜三更援賊
二司付馬步六七百復來衝撲長壕官軍扼壕堵之賊
下馬越壕官軍前後夾擊奪賊馬三十餘匹擒斬三百
餘賊由東湖灘橫逆衝至金順所部各營壕邊復經金
順殲斃百餘名此股漏網者無幾矣十六日三更城賊
千餘頭裹白巾出撲東湖官軍長壕並攻營卡徐占彪
由北而南楊世俊由南而北截之時賊已有數百名突
過長壕遇官軍包抄夾擊陣斬白巾悍賊數十名餘賊

轟斃尤多擒賊十餘名餘賊仍滾溝縮入城中據擒賊
供稱城賊自援逆壘敗後益恟懼不知所爲前由關外
來援之賊已亡傷過半彼此怨恨急思棄城逃竄恨不
能潰出重圍此官軍截擊城賊迎剿援賊屢獲勝仗實
在情形也臣維白彥虎等逆由西南偷竄據劉錦棠稟
報不過二三千人途次凍餓僵斃不少續據署大通縣
稟報賊數約及四千蓋西南回目馬壯大通回目馬正
清等竄併入夥並沿途裹脅漢回民人頗多也追經節
節截剿賊勢日衰其得至肅州應城賊之援者據前敵

各軍稟報初不過三四千續報二三千雖均約略之詞然賊眾屢敗逐漸減少是其明證現據徐占彪報援賊之散竄南山者數百當卽大通西甯之賊楊世俊報狂竄出關得至大單灘黑山峽者人數不多又探報賊首白彥虎於毛目之戰右臂已被鎗傷故疊次援賊來犯未見該逆領隊其僞副帥馬占魁及大通賊目二司付均已陣斬此外陣斬各賊目非擒賊供指不能確悉其轟斃帶傷之賊目則擒賊亦未能確指也援賊已絕糧三日以馬騾充食出關以後則水草柴薪俱乏雖宰牲

亦難生啖人馬餓斃必多冀或免貽關外巨害臣現檄
徐占彪將所收白逆裹脅之漢民數百名酌給賑糧分
別安插其丁壯願隨營者准暫補各營卒伍缺額其散
竄南山各岔口者飭甘州各防營搜緝並咨商宋慶飭
分駐甘州各營就近捕斬以淨根株其前敵各軍長圍
密合士氣甚奮臣飭解餉銀軍火並攻堅火器均絡繹
載塗如賊肯出城就戮則戡事可速縱使固匿不出亦
當盡力攻剿速拔孤城不致久稽時日也此次追軍蹙
剿屢有擒斬肅州官軍內截城賊外剿援賊勞烈倍著

將弁勇丁實屬異常出力應俟肅城克復後從優保獎
以彰戰績疊次陣亡各員弁候查明彙案請卹是否如
斯伏乞

訓示除金軍戰狀應由金順陳明外謹將徐占彪等截
剿各賊疊次獲捷情形據實詳陳伏乞

皇上聖鑒訓示施行謹

奏

同治十二年四月十一日

軍機大臣 字寄同治十二年四月二十一日奉

上諭左宗棠豫師奏官軍克復巴燕戎城後剿辦逆回

進規循化左宗棠奏追剿寬回並肅州疊獲勝仗情形
各一摺巴燕戎城克復後陳湜飭令該處回族呈繳馬
械並將青科莊悍回懲創以次戡定卡勒等莊現駐甘
都工河岸俟循化工四工回族縛獻醜類盡繳馬械諸
事辦妥再赴循化次第辦理卽著左宗棠等督飭陳湜
認真籌畫懾以兵威撫其馴順以期一勞永逸綏靖邊
陲陣亡之總兵劉厚福著交部從優議卹以慰忠魂白
彥虎等逆由西南出竄圖援肅州經楊世俊等軍探蹤
截擊疊挫賊鋒該逆復與肅城蹙賊夾撲圍城營壘經

徐占彪等督軍擊退並襲破塔爾灣賊巢賊膽益寒紛
紛潰竄現在白彥虎已被鎗傷亟應乘此機勢迅速殲
除其散竄南山各谷口者左宗棠已飭甘州各防營搜
緝並咨商宋慶飭令分駐各營就近捕斬想可淨絕根
株至竄向大罩灘黑山峽之賊人數雖不甚多亦應一
律追捕仍著該督飭派官軍探蹤剿擊悉數殲除毋留
餘孽肅賊無援必形窮蹙左宗棠當飭令徐占彪等盡
力攻剿速拔孤城不得久稽時日將此由六百里各諭
令知之欽此

馮邦棟懇

恩獎敘片

再記名道馮邦棟於同治十年六月在甘肅化平川差次聞訃丁親母憂經臣於十一年二月間奏請暫行留營委赴西甯經理撫務俟事竣再行給咨回籍守制奉旨允准欽遵在案茲據馮邦棟稟稱河湟事定已撫陝回三起近兩萬人均已遷徙平涼清水泰安等縣安插並無經手未完事件自聞訃扣至十二年九月已將釋服請回籍葬親臣查馮邦棟自辦理化平川廳及西甯撫務以來一切諸臻妥協輿論翕然合無仰懇

天恩賞加按察使銜以示鼓勵現查該員並無經手未完事件應准假回籍葬親以符定例除分咨外謹附片具陳伏乞

聖鑒謹

奏同治十二年四月十一日

硃批著照所請該部知道欽此

軍機大臣 字寄同治十二年五月十一日奉

上諭成祿奏陝回大股突竄出關情形危急一摺據稱東來大股賊匪約有萬餘悉竄出關自惠回堡至赤金連營數十里擾及白楊河屯莊後面並無追兵訊據獲賊供稱白彥虎等逆因肅逆馬四乞援率黨由扁都口西出至肅州塔兒灣一帶紮營馬四不放入城白彥虎遂傳知賊眾出口全到赤金章欲赴紅廟子等語前據左宗棠奏官軍襲破塔爾灣賊巢賊眾潰竄白彥虎已被鎗傷其竄向大罕灘黑山峽之賊人數無多似賊股

斬已窮蹙此次成祿所奏則稱賊係全數出關勢甚猖獗情形不甚相符成祿所部本單豈能遏賊狂竄左宗棠當嚴檄追剿之師跟蹤進擊迅掃逆氛不得以驅賊出關遂爲了事金順著懷遵疊次諭旨帶兵剋期西行按統成祿所部將此股竄匪悉數殲除毋得稍事遷延致成滋蔓將此由五百里各諭令知之欽此

格靖奏稿續編卷五十一 目錄

收復循化廳城摺

圍攻肅逆疊勝摺

金軍未能迅速出關摺

剿辦甘州逆賊獲勝片

請將黃祖福革職片

收復循化廳城摺

奏爲官軍收復循化廳城並辦理一切情形恭摺具陳
仰祈

聖鑒事竊三月二十二日以前山西按察使陳澧督軍
剿辦逆回進循化獲勝情形業於四月十一日詳陳
明三月二十六日剿撫卡勒工事竣陳澧移軍甘肅工
查訪該工回民當河南三工逆回渡河抗拒官軍時多
係裹脅而來甘心從亂者不過數人此次聞風逃匿當
飭代理巴燕戎廳喬金鋪等詳獲仇善拜牌壹五八迭

巴子等八犯戮之甘肅地與循化僅一河之隔循化八
工撒拉大小頭目先後款營請命其下四工爲猛打工
單哈工奈慢工清水工上四工爲街子工又家工大寺
工蘇治工外有沿河四莊蓋附麗於街子工者陳湜以
上四工上年曾堵禦馬村源本年復攻街子逆回巢穴
尚知順逆卽上四工內之又家工亦實木渡河抗拒因
飭令收齊鎗械俟官至仍城時呈繳其街子大寺蘇治
三工則勒限先繳又子鎗一千五百桿到營并備辦船
筏接渡官軍開城以待方准收撫數日間均各如命辦

理無敢刻延四月初四五六等日陳湜酌留數營駐甘
都後路親率各軍耀隊河干成列以濟先派五品軍功
回目馬占薩馬永瑞率左右兩所登岸而壘各軍分紮
循城內外方渡河時自河岸至近城居民扶老攜幼焚
香跪迎相屬於道城中民房無幾官廨荒廢殆盡而城
堞尤多坍塌當派各營先修城垣兩日畢事回目鄉約
及老民紛紛扶杖求見伏地涕泣號呼乞恩陳湜剴切
開道曉以太義令亟縛獻逆目呈繳馬械運送軍糧或
平各莊礮台礮樓賄修衙署廟宇數者有一違誤卽下

剿辦諸回聞命感激不兩旬止四工縛送最稱豪悍之
積年匪首並此次倡亂渡河之馬玉連沈五十七韓麻
亥馬綻八十九馬亥必保查山白住麻等二十餘名下
四工亦解到數賊駢戮以徇總計回民約三千戶先後
繳鎗四千餘桿大礮劈山礮十六尊凡彼中所稱金花
銀裝飾珊瑚松綠極精利各鎗概經追繳并出具不在
一馬一鎗甘結惟番民以逐獵爲業熟番鎗械令交千
戶長百戶長收管其生番逐居水草羣帳時移應准稍
爲存留以防猛獸而護牛羊該處專恃地險鎗利不習

馬戰故馬不多畜然亦已總過二三百匹連日運送軍糧男婦負載絡繹不絕各軍駐循十四營旂不惟足資飽騰且有存糧遍勘各莊礮台礮樓平毀已盡其沈家韓巴兩堡牆堅厚而礮台尤多詢係明代所築亦均折毀廳城衙署廟宇各回聯名具呈懇准繳貽修銀萬二千九百兩陳湜當飭代理循化廳同知汪聲元經收辦理凡所指示各回無不奔走爭先惟懼少延晷刻諸事既定陳湜商西甯鎮總兵何作霖所帶老湘軍五營及回目崔偉馬隊仍回西甯令循城文武各員到任視事

并規畫巴燕戎格循化地勢全局分營擇要扼紮俾與西甯碾伯河州聲息相通互爲聯絡庶新定之地足資鎮壓陳湜率親軍回蘭州臣等竊維循化憑山阻河溝谷紛歧地勢奧險與巴燕戎格無異而八工撒回向所稱大撒拉者習俗獷悍鎗械精利則較五工撒拉爲尤甚陳湜初渡河時決計大張撻伐痛挫其兇猷乃自卡勒工一戰賊負創而歸又見官軍能戰不擾威信彰明各處就撫番回均釋其疑懼之心遂各俯首帖耳惕息效順此固始願所不及也臣等現飭地方有司招徠賑

撫清疆地畝嚴行保甲興建義學及舉辦一切善後事
宜妥籌次第經理冀得長治久安永紓邊患現署河州
知州潘效蘇稟收輯難民四萬名口見署狄道州知州
喻光容稟收輯難民萬餘名口漢回相庇以安猜忿頓
釋而巴燕戎循化河州各境漢回番撒大小渠目百餘
赴蘭州叩謁臣宗棠親加撫諭飭其安分守法宣布
朝廷剿撫兼施之意察其情詞尚能領悟均以復同平
民爲至幸也所有收復循化城池西南邊地肅清並籌
辦善後情形謹合詞具

奏伏乞

皇上聖鑒訓示謹

奏同治十二年六月十日

圍攻肅逆疊勝摺

奏爲官軍圍攻肅城踞逆疊獲勝仗恭摺馳陳仰祈
聖鑒事竊二月十六日以前官軍追剿肅逆並肅州外
破援賊內截城賊情形業於四月十一日據實詳陳三
月十八日提督黃虎臣撫獲城中逃賊供稱城賊以禮
拜寺係由塔爾灣出嘉峪關大路旣爲官軍奪據竄陷

愈窮遂挑悍黨多名襲奪回禮拜寺以便狂竄出關十
九日南門果出悍賊八九百頭裹白巾裝束殊異循城
濠呼躍而來南稍門復出賊二千餘繼之圍禮拜寺勢
甚兇猛提督徐占彪率隊憑濠迎擊鎗礮環施黃虎臣
據寺騎以洋礮劈山礮轟擊斃悍賊十餘名賊退伏濠
內連放叉子鎗城上鎗礮如雨相持兩晝夜二十二日
二更徐占彪商派各營潛師夜起令提督陳萬春參將
楊世俊遊擊徐春先等由西南抄擊提督金慶元總兵
戴宏勝參將方友升等由城濠下擊徐占彪親自率隊

由寺側衝擊金順亦督軍會剿均袒左臂分路齊進將近賊前賊始驚覺昏黑中不辨官軍多少先放鎗礮蜂擁來撲官軍從鎗礮中衝殺斃賊頗多賊縮退城濠四鼓後復來衝撲官軍步步緊進鏖戰良久賊死傷狼藉天明安肅道標勇丁肅州鎮標勇丁馳來策應賊敗退踞城根廢牆內然不入城據牆爲營外掘深濠又於濠內築牆憑牆施鎗礮並於濠邊長牆內潛開地道徐占彪飭於禮拜寺四面開浚深濠截之並於寺西長濠內添築礮台移後膛礮向賊壘轟擊賊驚懼無措連日晝

伏夜動以避賊子復相持四晝夜官軍更番戰守賊猶苦抗二十六日擒賊供稱開地道四處已被官軍掘壕截斷二十二夜之戰黑痣萬長及千長二名均被轟斃賊死傷以數百計並稱賊中最畏後膛礮螺絲礮將誓死來奪是日賊於西南添築礮台施放又子鎗斷禮拜寺出入之路徐占彪飭開後膛礮轟擊礮台立即掀倒台上賊盡斃徐占彪防賊乘夜來犯預爲部署三更後賊果猛衝官軍長壕官軍併力抵禦洋鎗斃賊數十名賊仍不退天明徐占彪又移後膛礮向賊叢連放四十

餘出賊紛紛倒地金順亦派隊馳來賊始敗入濠溝復
相持兩晝夜徐占彪料賊必夜出令陳春萬總兵黃祖
福陳登雲宋賢聲藍明泰挑壯士八百名楊世俊兩營
金慶元戴宏勝方友升等三營於二十八夜三更後分
三路襲擊直抵西南角城根官軍更番進攻勇氣百倍
賊拆戰日久困憊已甚無復鬪志紛向北城逃竄官軍
趁勢趕殺金軍亦由東北迎剿前後夾擊斃賊無算賊
仍逃入濠溝始由城濠細退入城自此以後連日閉城
不出各軍加濬城濠一以防賊乘機偷越一以防賊暗

掘道地四月十六日城中逃出漢民供稱賊見官軍鎖
圍既合知無生路擬突圍狂竄又爲眷口所累將殺眷
而逃徐占彪以回性殘忍事或有之飭各營晝夜防守
加修濠牆並於金慶元戴宏勝營外重開長濠緊逼何
灘誘其出戰十八日辰刻北稍門出賊二三千直撲金
慶元戴宏勝營壘圍阻官軍工作徐占彪會同金軍及
楊世俊馬步分路山西北越長濠繞出賊後疾馳抄擊
賊父子鎗裝放較緩不及官軍洋礮便捷往來盪決數
十次斃賊百餘午後賊始敗退背城施放鎗礮城上礮

聲連震官軍直前突之相持至夜賊始入城是夜官軍并未收隊十九日黎明賊復出四五百名來犯官軍一面工作一面拒戰適金順亦派隊會剿賊敗退而官軍濠牆成二十日賊放出漢民老幼婦女四百餘名口皆飢餓垂斃據稱城中糧之以老幼婦女徒坐耗食驅之令出並稱十八十九兩日之戰賊死者不計其數現紛議殺眷出竄與前逃出漢民所供大畧相同二十四日金順移營近紫湖潭賊驟見卽出賊二三千來爭該處地多坑坎高低不平賊伏低處放又子槍金軍衝突數

次賊殊死戰時徐占彪派金慶元戴宏勝黃祖福宋賢
聲等由西北橫截而來並移後腔礮轟之予落開花當
者立斃賊隊大亂徐占彪又飛調楊世俊方友升陳春
萬徐春先及總兵李洪超等前來金順亦添派隊伍分
四路環攻鏖戰四時之久先後共斃賊四五百名賊向
北稍門狂竄因歸路已斷倉卒由南稍門入城二十八
日金順又移兩營進紮徐占彪等率各營列隊相護賊
果來犯官軍三路並進擒斬多名據擒賊馬百衣保供
三十四日之戰賊萬長馬得幅中礮陣斃計自三月廿

八日至四月二十八日共斃賊千餘名傷者無數旋據
宋慶牘稱派所部提督蔣東才率前馬步六營於五月
初十日抵肅逼東城築壘十六日接仗斃賊多名十八
日復逼小北門修築一卡賊不復出宋慶繼派總兵李
寶林率兩營提督馬玉崑率三營繼進二十八日親赴
肅州與金順徐占彪會剿此官軍攻剿肅州鎖圍愈緊
兵力愈增之實在情形也臣維肅州本邊關重鎮城高
三丈六尺厚三丈有奇外環深濠一丈有奇闊可十丈
逆賊馬四竊踞其中與關外援賊馬六卽馬振國拚死

拒守官軍先後將城外堡壘次第攻毀現祇賸一孤城
以事勢論之自可剋期攻拔惟攻堅本無善策地道一
著取效較易徐占彪開掘數次每近城根被賊驚覺由
城內掘濠截斷續用帛成惟後膛螺絲大礮最爲利器
然以之轟堡壘轟斬石轟圍聚之賊固無弗摧以之攻
堅厚土城則程功不易現據徐占彪稟賊畏後膛礮開
花子如迅雷下擊見卽鼠竄所平各堡壘多賴其功惟
平轟城身已用子一百六十餘顆祇能深入數尺不能
迸裂雖將東門城樓轟坍并轟倒城中房屋數處賊中

惶懼特甚然終爲堅壙所隔官軍不能入城也臣令將
所儲銅鑪台式礮子悉數解肅交臣派去之總兵銜副
將鄧增管放計土城雖堅厚異常然連注施放層層擊
卸計或得手通計前後起解礮子一千五百餘顆現有
營尚九百餘顆計可足用至賊糧漸少踞逆屢思竄出
關外而各營鎖圍密合愈逼愈緊城中號呼喧嚷營中
亦時聞聲息現據各營稟報及金順徐占彪臧廣均言
克復之期必當不遠臣未敢頻加迫促但飭徐占彪加
緊轟攻毋須肉薄登城致傷精銳一面廣籌糧糗冀竟

全功一面續行申徹嚴禁各營爭攫財物致墮奸謀違
令爭功致滋疏漏暨堅城速下早慰

宸懷所有徐占彪等營逼攻肅城踞逆情形謹據實陳
明伏乞

皇上聖鑒訓示謹

奏同治十一年六月十一日

金軍未能迅速出關摺

奏爲金順全軍未能迅速出關據實陳明伏祈

聖鑒事竊臣欽奉四月十三日

諭旨金順奏肅逆突圍援賊撲營力戰擊退并斟酌出
關事宜密陳請旨各摺片肅州踞逆日夜突圍各路援
賊屢次撲犯營壘經金順會商徐占彪督率官軍奮力
擊退尚屬得手惟援賊雖難保不再圖竄擾金順迭
次諭令帶兵出關徐占彪一軍深恐兵力單薄不能扼
絕外援殲除踞匪前據左宗棠奏宋慶所部三月初旬
可於蘭州取齊擬令先赴涼州等語此時計早抵涼卽
著左宗棠傳知該提督統率全軍剋日赴肅會同徐占
彪規復肅州盡殲醜類如宋慶一軍兵力尚屬不敷或

未能卽時西進卽著左宗棠遵照前旨另派隊伍迅赴
肅州會剿金順所部軍糧仍著左宗棠飭屬妥籌接濟
毋令缺乏將此由六百里各密諭知之欽此臣於四月
二十二日奉到後卽傳知宋慶先飭所部分駐甘州之
提督蔣東才一軍步隊五營馬隊一起馳赴肅州隨同
徐占彪進剿宋慶親率全軍繼進俟金順移營卽時填
紮以防城逆伺間突竄旋據宋慶報蔣東才馳抵肅城
結營於金徐兩軍間接仗獲勝旋又越長壕逕薄東門
分築營卡宋慶由涼州進駐甘州一俟糧運兩事稍有

端緒卽開拔續進竊意宋慶全軍較金順所部人數爲多兵力足敷無庸增調隊伍金順本應凜遵

諭旨剋期出關臣何敢代爲瑣陳仰煩

聖鑒顧就關內事勢言之實有難於迫促者肅甘兩郡物產素饒回亂以來屢遭蹂躪加以亢軍坐食多年捐派煩苛民不堪命近雖易捐派爲採買流亡漸集耕種稍多然各處水地如常而原地山地未能復舊兼之今歲雨澤甚愜農民耕種失時將來收穫豐歉殊難預定又值青黃不接之時舊糧旣已搜括無餘新糧收穫尚

早屢接甘涼安肅各屬稟報均苦無從籌措委係實在情形此辦糧之難也關外轉運向本專用駱駝不宜車馱以地多戈壁水草缺乏非騾馬所宜亦非民車木輪所便轉運一次損耗必多非若駝隻之可以負重耐久而又不擇水草也惟駱駝一項實行商所需農家素少餵養金順原帶駱駝據稱僅祗牘二百餘隻又疲乏不堪此外各軍雖有奪獲然各私爲已有搬運柴薪糧料亦難責其借供出關之期金順疏稱出關數營計每月需糧一千石料三百石以甘郡肅州斗斛合計所重糧

一千石重三十餘萬斤料三百石重九萬餘斤以一月
運糧料赴玉門之數計之每駝一隻每月僅能兩次往
返負運止五百斤非共用駝八百隻不敷周轉而負運
軍裝軍火不與焉若全軍出關則糧數增至數倍卽駝
隻亦須增數倍而由涼運甘由甘運肅計程九百餘里
需用車馱騾馬不與焉無論關內外商賈絕迹駝無可
雇卽內地民間應差之騾驢車輛供由涼運甘由甘運
肅亦實不敷周轉此猶僅就金順全軍及兼統成祿各
營而言亦僅就玉門一處而言也若將來出關之軍尙

議增置駐軍之地不僅玉門則更無從籌措此轉運之難也臣奉

諭籌辦金順出關糧運責無容諉竊以肅州被禍最重產糧無多向資甘郡轉輸灌漑而甘郡近因客軍雲集採辦已空又不能不藉資涼郡糧石灌漑接濟現飭解銀赴涼廣爲採買以裕糧源雖併運腳合算所費過多然欲籌濟飢軍則勢不容已至由涼運甘計程四百八十里由甘運肅計程四百二十里民間車馱騾驢因軍興轉饋頻煩彫耗疲乏萬難再加迫促現飭甘涼所屬

通共勻撥台車二千輛照東路規章每糧百斤每運百里由官津貼腳價制錢四百餘文軍餉軍裝軍火按斤重照給津貼此外官私來往差務概行禁用台車庶民困稍紓得豐其芻豆以資餵養而畜力漸充饋運乃期無誤其狹瘠衝繁各缺飭由鄰近州縣協濟台車以均苦樂又民間台車二千輛分布九百餘里計每百里僅分車百輛有奇而往返裝卸歇養時有耽閣不能計程限以時日過糧餉軍火紛至沓來每多停待積壓之患現查東南兩路運務稍簡調取各局官騾官車約計健

騾一千五百餘頭分赴涼甘各屬以助台車轉運肅州
此後仍當隨時湊添此籌辦關內轉運之大畧也至關
外轉運利用駝隻內地無從購覓自宜於產駝地方廣
爲採取向來調取各旗駝隻均難得用徒費餽養現派
員赴喇嘛廟一帶重價購買定以五六歲外膘壯健實
者爲准又擬派弁赴阿拉善旗烏拉三公等處採購爲
隨時添補之用惟駝隻於五月歇廠八月起廠此四箇
月內正值換毛怯熱之時不宜赴運入秋則天高氣爽
任重行速損耗必少此籌辦關外轉運大來也竊維糧

運兩事爲西北用兵要著事之利鈍遲速機括全繫乎此千鈞之弩必中其機會而後發否則失之疾與失之徐亦無異也西路各郡之糧收穫恒在八月茲值舊穀既沒新穀未升之時遽籌採購則非其時關內車馱騾驢在官初議分撥在民初議津貼運路尚未暢行遠籌灌輸則力有未逮駝隻尚在歇廠採齊到肅連閭計算亦須在八月之交遽籌轉運縱零星湊集亦違其性且亦斷不能多臣愚竊謂金顧全軍出關所慮不在圍肅之師失其臂助但恐迫促成行勞費萬狀於爭無益而

又害之金順亦心知其難而自請親率數營出關亦因
嚴旨詰責不暇籌及後路糧運情形關外用兵棧局迫
而出此臣愚竊謂金順既暫難出關卽如所請親率數
營先行亦屬無益以言整飭成祿各營則成祿所留玉
門僅止步隊一營馬隊一起既委明春料理自期周妥
無須金順親行以言追剿白彥虎股逆關外聲息久隔
文報不通安肅道史念祖飭安西敦煌確探馳報尚未
接其稟牘惟據玉門安西陸續逃至關內者約八百餘
戶傳言賊蹤已近敦煌至賊數多寡則亦未能確指金

順出關數營難言確有把握如圖前進仍須從關內續
籌糧通玉門距肅州已三百六十里矣若再前進糧無
可籌運何能辦其勢必仍羈滯玉門坐食關內至艱之
糧而已臣擬商之金順如果親率數營出關或卽先派
營哨分紮嘉峪關雙井子忠回堡赤斤堡火燒溝腰泉
子井子一帶作爲尖宿台站各蓋造駝廠掘井刈草以
待計八月新駝到肅新糧上市是時肅城亦必得手然
後全軍次第西發暫憩玉門逕指安西敦煌乃爲得勢
臣之愚計竊以秋仲出關師期雖遲兩月而局勢以爲

穩慎疊據前敵各軍安肅甘涼各道緘牘所言情形不
謀而合謹據實馳陳伏乞

聖慈指示機要以便遵守其宋慶所部尚有數營留駐
甘郡宋慶已遵

旨赴肅臣現咨商將留甘各營暫緩開拔張師現率所
部馳抵鎮番就水草臣咨請暫駐鎮番一帶靜候

諭旨緣以肅各軍皆言鎖圍密台兵力足敷惟慮大軍
併聚一隅軍食缺乏之故也謹一併附陳伏乞

皇上聖鑒訓示謹

奏同治十二年六月十一日

軍機大臣一字寄同治十二年六月二十日奉

上諭左宗棠豫師奏收復循化廳城籌辦善後事宜左
宗棠奏圍攻肅城踞逆獲勝並金順全軍未能迅速出
關情形各摺覽奏均悉循化廳城既經收復惟收輯難
民甚多一切善後事宜亟應次第興辦著左宗棠豫師
飭令該地方官認真經理妥爲撫綏以期一勞永逸左
宗棠所奏三四月間官軍圍攻肅州踞匪屢獲勝仗
與金順前奏情形大略相同現在宋慶所部提督蔣東

才等營亦已行抵肅州逼城築壘各營鎖圍嚴密賊膽已寒第窮極思竄亦在意中著左宗棠飭徐占彪宋慶督率各營實力圍剿務將此股賊匪就地殲除毋得縱令他竄致貽後患至關外用兵糧石車駝自應豫爲籌畫方可師行無阻自肅州一帶被賊蹂躪以後籌辦一切均屬不易此等情形朝廷亦所深悉但以西路軍情緊要未便置爲後圖日景廉現已率隊進抵古州後路尤須有軍策應方可聯絡聲勢節節進規是以嚴諭金順剋期出關以期迅赴戎機茲據左宗棠奏稱現在新

穀未收軍糧缺乏駱駝亦值歇廠怯熱之時不能負重
若展遲兩月於八月間拔隊西行局勢似較穩慎等語
所籌亦係實情惟白彥虎賊股現又竄擾關外安敦五
等處情形緊急盼兵尤切金順仍當趕緊部署統軍出
關相機剿辦如一時實因糧運車駝應用或派撥數營
先行進發以資接應之處著金順酌度情形妥籌辦理
金順需用糧石車駝等項仍著左宗棠飭令該地方官
速爲豫備毋稍延誤將此由五百里各諭令知之欽此
剿辦甘州逆賊獲勝片

再臣前因肅城援賊剿辦後餘黨有竄入南山者卽咨
商宋慶飭分駐甘州提督蔣東才就近搜捕旋接宋慶
牘開四月十八日蔣東才偵知甘郡西北七十里板橋
地方有賊騎擾掠蔣東才率隊擊之詎知距營七十里
神仙廟有賊二百餘騎蔣東才令參將胡永清都司徐
心友參將劉知儉由河下抄出逼賊入山東口而自率
各營徑搗賊巢縱橫奮擊斃賊頗多生擒二十餘名餘
賊鼠竄奪獲又子槍二十餘桿騾馬六十餘匹牛驢數
十頭當傳知各營所獲牲畜如係擄掠民間者准民認

領訊據擒賊供稱此股乃馬景隆所帶賊黨及男婦共
五六百名踞山東內轉脚湖爲巢馬景隆赴肅州此股
父回目馬四帶領昨以二百餘騎向神仙廟靜安廟一
帝掠食忽爲官軍擊敗馬四并被官軍陣擒矣轉脚湖
距神仙廟八十里十九日蔣東才復率隊前往搜捕賊
見官軍至男女多投崖死餘眾抗拒官軍立將賊巢踏
破生擒回目董福馬現齡等此股擒斬殆盡甘州府稟
報境內無賊所有宋慶派提督蔣東才於未赴肅州之
剿辦甘州賊逆獲勝情形謹附片陳明伏乞

聖鑒諄

奏同治十二年六月十二日

軍機大臣奉

硃批知道了欽此

請將黃祖福革職片

再據分統蜀軍提督徐占彪稟稱管帶新中營補用總兵黃祖福因伊父由蜀來甘稟請給假回蘭州府省視徐占彪不忍過拂其請暫行准假仍飭令迅速回營乃黃祖福到蘭州後復稟稱伊父欲伊送回原籍俟回蜀

後再赴營中查前敵軍情緊要黃祖福以省親離營旋
又由隴反蜀實屬任意徑行不顧大局除另派員接帶
新中營外黃祖福應查辦以儆效尤臣維肅州攻剿正
緊該總兵黃祖福有管帶之責假滿不卽歸營復藉詞
送親擅自回籍實屬任意妄爲應請

旨將黃祖福革職以肅軍律而昭儆戒除咨部核辦外
謹附片陳明伏乞

聖鑒謹

奏
同治十二年六月十一日

軍機大臣 字寄同治十二年五月二十四日奉

上諭金順奏拏問成祿押解起程派員先往接辦該軍事務一摺金順於四月二十三日派員將成祿催赴肅州傳旨拏問押解啟程已明降諭旨將該革員解交刑部治罪矣甘肅至京道路寫遠左宗棠當選派得力員弁協同護解并飭沿途地方官小心遞解前進以期嚴密金順以肅州城圍吃緊尚未起程西行先派副都統明春前赴玉門一帶接辦該軍事務惟成祿所部必須金順迅往接統大加整頓方能得力且賊匪近又紛竄

出關尤當隨時督隊截剿免致蔓延肅州軍務已諭左
宗棠責成徐占彪剿辦金順著懷遵屢次諭旨剋期出
關接統成祿所部埽蕩妖氛不得遲誤機宜致負委任
至關外米糧缺乏兵食維艱金順所部軍糧著左宗棠
妥籌兼顧檄令地方官設法採買轉運源源接濟以資
飽騰毋稍膜視將此由五百里各諭令知之欽此

軍機大臣 字寄同治十二年六月二十八日奉

上諭文麟奏大股陝賊攻撲敦煌縣城并哈密回王呈
請禁糧出境慶壽奏東路逆回出竄布置城防各一摺
覽奏均悉據文麟奏稱探聞陝回於四月間竄撲敦煌
約有萬餘攻陷新店子一帶圍莊并圍攻縣城道路梗
塞文報不通等語逆匪紛竄關外勢甚披猖現在賊蹤
既擾及敦煌哈密東路甚形喫重馬蓮井防軍單薄文
麟務當添派兵勇擇要駐紮聯絡防剿力杜西竄之路
所有派援敦煌之軍并著飭令迅速前往相機策應賊

匪有欲竄入敦煌山內前赴西路之說巴里坤城防亦屬緊要著慶壽酌募得力勇丁認真訓練將防守事宜妥爲布置毋稍大意前據左宗棠奏金順一軍因籌辦軍糧駝隻未能剋日啟行業經諭令金順趕緊部署出關或派撥數營先行進發以資接應現在關外賊勢蔓延望授甚切該軍尤宜豫爲料理早日出關以期迅掃逆氛成祿舊部各營前據金順奏稱已派明春前赴玉門一帶接統并著飭令妥爲整頓遇賊卽擊迅赴戎機據回王道哈默特等以哈密產糧僅足供本地兵民之

食早請崇止販賣出境等語自爲慮及乏食起見惟現在景廉進米古城後路糧運必須源源接濟巴里坤亦係瘠苦之區所產糧石無多尤非安敦玉可比文麟仍當酌度情妥籌兼顧毋稍膜視其有好商私取出境希圖牟利或有暗中接濟賊匪等情自當明白曉諭設法禁止但不可概行遏糴致誤軍情將此由五百里諭知左宗棠金順文麟並傳諭慶壽知之欽此

軍機大臣 字寄同治十二年六月初五日奉

上諭金順奏酌抽馬步各營親統出關請飭左宗棠等
濟軍食文麟奏肅州回匪西竄出關派兵防守哈密隘
口各一摺覽奏均悉現在肅州回匪陸續竄出關外玉
門安西俱有大股攻撲回莊哈密亦復喫重金順自應
慎遵前旨迅速統帶馬步各隊弁成祿關外之軍確探
賊蹤實力追剿毋任紛竄文麟所部兵力雖單亦當酌
派隊伍與金順之軍分投夾擊俾賊不至任意西竄哈
密各隘口防務亦可鬆動該前將軍等務當協力同心

勦除此股竄匪以靖關外門戶現在安西玉門蹂躪通地金順所需每月糧一千石料三百石自應於關內籌辦左宗棠素顧大局身任地方呼應較靈卽著嚴飭甘肅肅州兩處地方官去籌辦四箇月軍食并協濟車馬運赴玉門屯儲毋得稍有短絀該前將軍亦不得專候軍食辦齊方行出關致誤戎機肅州合圍已久諒可不日攻拔金順留防各軍卽著傳諭宋慶於抵肅城後代爲統攝免致他虞是爲至要金順另片奏請飭催成祿一軍月餉本日已嚴諭李瀚章等源源實解矣將此由

六百里各諭令知之